

Pidaging maka bantang Awig-awig
Desa Adat Jagapati

Murdha Citta		
Pratama Sargah Aran lan Wewidangan Desa		1
Dwitya Sargah Patitis lan Pamikukuh		2
Tritya Sargah Sukerta Tata Pekraman		
Palet 1	Indik Krama	3
Palet 2	Indik Prajuru	5
Palet 3	Indik Paruman	7
Palet 4	Indik Kukul	8
Palet 5	Indik Druwen Desa	10
Palet 6	Indik Pamitegep	11
	Kaping 1 Karang, Tegal, lan Carik	11
	Kaping 2 Pepayonan	12
	Kaping 3 Wewangunan	13
	Kaping 4 Wewalungan	13
	Kaping 5 Bhaya	14
	Kaping 6 Penyanggran Banjar	15
Cathurtas Sargah Sukerta Tata Agama		
Palet 1	Indik Dewa Yadnya	15
Palet 2	Indik Resi Yadnya	18
Palet 3	Indik Pitra Yadnya	19
Palet 4	Indik Manusa Yadnya	22
Palet 5	Indik Bhuta Yadnya	23
Pancama Sargah Sukerta Tata Pawongan :		
Palet 1	Indik Pawiwahan	24
Palet 2	Indik Nyapihan	26
Palet 3	Indik Sentana	28
Palet 4	Indik Warisan	29
Sad Sargah Wicara lan Pamidanda :		
Palet 1	Indik Wicara	32
Palet 2	Indik Pamidanda	32
Saptama Sargah Nguwah Nguwuhin Awig-awig		33
Astama Sargah Pemuput		34

MURDHA CITTA

Om, Swastyastu, Om Awighnamastu Nama Sidiham .

Melarapan saking pangyangning , Ida SangHyang Widhi Wasa asung kerta nugraha ngawente, ang kahuripan sekala niskala, ring Bhuwana Agung lan Bhuwana Alit, manut dresta desane wantah pawakan pasayaban Krama Desa rawuhing kula warga pawongannya Desane keanggehang Bhuwana Agung Pawongania sowang - sowang pinaka Bhuwana Alit .

Sotaning Bhuwana Agung , Desane wantah pawakan Bhuwana maurip jangkep saha Tri Hita Karana luire :

- ha. Parhyangan , sahananing Kahyangan penyiwian Desa genah ngarcana Ida Hyang Parama Wisesa maka jiwaan Desane
- na. Pelemahan, tanah kekuwuban Desa sinanggeh stula saritaning Desane ;
- ca. Pawongan, Krama saha warga desa maka sami mapawakan Bayu premana , mawinan desane sida molah maprewerti .

Adung patemon Bhuwana kalih, malarapan cantu jagadhita sinanggeh murdaning prayojana pangariptaning awig - awig Desa Pekraman ring pasebhan mami Krama Desa Adat .

Piraka sepat siku - siku pematut wastu prasidha, prayojanan mami kabeh prasama angidep muwah amanggehaken kadi lingning awig - awig ki .

PRATAMA SARGAH ARAN LAN WEWIDANGAN DESA

Pawos 1.

- (1). Desa Adat puniki mawasta Desa Adat Jagapati.
- (2). Jebar kakuwub wewidangan mawates nyatur luire :
 - ha. Sisi lor margi maka wates ring Desa Angantaka ;
 - na. Sisi wetan ring Subak Pohmanis ;
 - ca. Sisi kidul ring Desa Pohmanis ;
 - ra. Sisi kulon ring Subak Umalayu .
- (3). Desa puniki kawangun antuk munjuk lungsuring saking Krama sane jumenek ring wewidangan Desa Adat Jagapati .
- (4). Antuk paruman Desa Adat wewidangan palemahan kepah dados 4 (petang) Banjar luire :
 - ha. Banjar Sibang ;
 - na. Banjar Pasek ;
 - ca. Banjar Kemulan ;
 - ra. Banjar Jabejero .

Pawos 2.

- (1). Manut Tri lingganing Desa kekuwub wewidangan pinara tiga luire :
 - ha. Utama Mandala mekadi tegak Kahyangan Desa ;
 - na. Madya Mandala mekadi pupulan karang paumahan lan telajakan Desa ;
 - ca. Nista Mandala mekadi Setra Desa kalih palebahan .
- (2). Palemahan Banjare patut :
 - ha. Kemanggehan antuk paruman Desa ;
 - na. Wenang robah manut munjuk lungsuring cacah jiwa antuk perarem ;
 - ca. Anut perarem Banjar wenang kepah dados tempekan .

Pawos 3.

- (1). Banjare wenang ngardi Awig - awig muah pararem maka pamikukuh nyane .
- (2). Awig - awig Banjar tan wenang lempas ring Awig - awig muah pararem Desa, saha taler kalinggatanin antuk Bendesa, maka pamikukuh dumugi sida lumaksana .
- (3). Sahanan tempekan tan wenang ngardi Awig - awig santukan tempekan punika mekadi pahan sinanggeh tangan sukuning Banjar .
- (4). Awig - awig muah perarem - perarem Subak ring wewidangan Desa Adat, patut nganutin Awig - awig Desa Adat .

**DWITYA SARGAH
PATITIS LAN PAMIKUKUH**

Pawos 4.

- (1). Desa Adat Jagapati ngem anggehang pam ikukuh minakadi :
- ha. Pancasila , makadi munggah ring Pembukaan UUD 1945 ;
- na. UUD 1945 pemekas pasal 18 (Pembagian Daerah Indonesia atas daerah besar dan kecil ,dengan bentuk susunan Pemerintahannya ditetapkan dengan Undang - undang,dengan memandang dan mengingat dasar permusyawaratan dalam sistem Pemerintahan Negara, dan hak -hak asal usul dal daerah-daerah yang bersifat istimewa ;
- ca. Tri Hita Karana,manut sada cara Agama Hindu.

Pawos 5.

Luwir Patitis Desa Adat Jagapati luire :

- (1). Mikukuhang miwah ngerajegan Agama Hindu .
- (2). Nginggilang tata prawertine me Agama Hindu .
- (3). Ngerajegang kesukertan Desa Adat saha pawongania sekala lan niskala .

TRITYA SARGAH

SUKERTA TATA PEKRAMAN

Palet 1

Indik Krama

Pawos 6.

- (1). Sane kebawos krama Desa Adat inggih punika kula warga sane me Agama Hindu saha ngamong karang ayahan Desa Adat utawi Krama sane jumenek sejeroning pelemahan Desa Adat Jagapati .
- (2). Sejaba punika sinanggeh tam iu .
- ha. Sane kabinayang dados kalih, inggih punika :
1. Sane me Agama Hindu .
 2. Tiyosan ring me Agama Hindu .

Pawos 7.

- Krama Desa Adat / Banjar Adat wenten tigang pawos luire :
- (1). Krama ngarep, kulawarga sane ngamong karang ayahan Desa Adat .
 - (2). Krama pengele, kulawarga sane tan pekarang turmaning kekundulan antuk krama ngarep ring ajeng .
 - (3). Krama balu , krama manut angka (1) miwah (2) ring ajeng salah sinunggil lanange miwah istrine kelayuan sekar utawi lampus .

Pawos 8.

- Kawit dados Krama Desa Adat / Banjar Adat wenten tigang pawos luire :
- (1). Mawiwit ngamongin karang ayahan Desa .
 - (2). Mawiwit jumenek mapumahan wiadin ngarereh pangupajiwa sejeroning Palemahan Desa Adat Jagapati tur risampun polih pawanengan tigang sasih .
 - (3). Melarapan antuk pawiwahan pratisentana wiwit angka(1) miwah (2) ring ajeng risampun makecihna pawidi widana .

Pawos 9.

- Sehanan warga Desa Adat sane keni ayah-ayahan mekad i ring sor :
- (1). Ayah ngarep saking krama ngarep .
 - (2). Ayah pengele saking krama pengele .
 - (3). Ayah tapukan saking krama balu miwah dedandan waris manut kadi angka (1) miwah (2) ring ajeng sane kantun alit-alit .
 - (4). Ayah roban sakeng kulawarga dandanan manut angka (1,2) miwah krama balu, sane sampun manggeh dehe teruna teruni sowang-sowang kapupulan dados sekaa-sekaa manut wiguna

Pawos 10.

- Tetegenan krama Desa Adat / Banjar Adat kadi ring sor :
- (1). Krama ngarep keni ayah miwah pepeson mam'ungkul .
 - (2). Krama pengele keni ayah miwah pepeson manut wiguna, santukan kesundulang antuk krama ngarep .
 - (3). Krama balu keni ayah miwah pepeson manut kawongania, mapiteges : Napike balu inucap ngarep / ngele miwah nganut kelampusang napike lanange / istrine .
 - (4). Balu taler kebinayang dados balu ngelintik sane tan medruwe ayah penyundul miwah balu ngempu, prade balu ngempu keni ayah miwah pepeson memungkul wiadin ayah nyampel utawi separo jangkep prade balu ngelintik .
 - (5). Dandanan manut waris, manut pawos 9 angka (3) ring ajeng sane katinggalin ayah rene utawi ubuh during munggah dehe teruna saha tan madruwe panyundul mungguing ayah lan papesonian keluputan, bawose tetapak belus perucut .

Pawos 11.

Warga Desa Adat sinanggeh tamiu manut linggihnyane wenten kalih pawos :

- (1). Sane me Agama Hindu , menawite :
 - ha. Ngerauhing pakula warga ring Desa Adat Jagapati arep mawirasan miwah ngaturang bhakti ring Kahyangan Desa Adat Jagapati ;
 - na. Krama sane medunungan sejeroning pelemahan Desa Adat Jagapati keni iuran manut perarem tur ngeranjing ring Banjar sowang-sowang .
- (2). Mawiwit ngamonging karang ayahan Desa Adat Jagapati pecak kapikolihan antuk numbas keni pamogpog :
 - ha. Sakeng tiyosan Desa adat Jagapati keni 1000 kg beras ;
 - na. Sakeng tiyosan Banjar sajeroning Desa Adat Jagapati keni 250 kg beras .
 - ca. Sakeng wewidangan Banjar tar keni pamogpog
- (3). Krama tamiu sane numbas tanah karang sikut satak patut ngeranjing dados krama Desa Adat .
 - ha. Krama dura Desa sane tiyos me Agama Hindu tur numbas tanah ring wewidangan Desa Adat Jagapati , dados tan me Krama Desa Adat sakewanten patut madana punia agung alit manut pararem ;
 - na. Menawi wenten sakeng kulawarga kelayuan sekar sane tan me krama Desa Adat Jagapati nenten polih setra ring Desa Adat Jagapati ;
 - ca. Menawi wenten silih sinunggil kulawarga sane kelayuan sekar patut polih dana punia sakeng banjar manut perarem .
- (4). Siyosan Agama Hindu menawite mawirasa miwah ngerereh pangupa jiwa patut kejaktiang antuk krama sane ngangkus utawi nyundulang kejangkepin antuk ilikita .

Pawos 12.

Swadarmaning krama Desa Adat utawi Banjar Adat miwah tamiu tiyosing ayah-ayah luire :

- (1). Krama Desa Adat / Banjar Adat patut :
 - ha. Dreda atuang ring Desa Adat Jagapati / Banjar Adat ;
 - na. Tinut saturut ring sedaging awig-awig ,pasuaran lan pararem Desa Adat Jagapati ;
 - ca. Tan maren ngutsahayang mangda Desane nyidayang nyujur anut patitis pawos 5 ring ajeng .
- (2). Swadarmaning tamiu :
 - ha. Tinut saturut ring tetiwak Desane ngupadi sukerta sekala ;
 - na. Tan wenten tungkas ring sepe margin kertin Desane .

Pawos 13.

- Petias utawi olih-olihan krama Desa Adat Jagapati / Banjar Adat luire:
- (1). Polih pesayuban prajuru ngemanggehan luwir patitis, tur kabawosin saha ketibakin pemutus sahanan wicarannia .
 - (2). Nyarenging paruman Desa Adat Jagapati / Banjar Adat saha wenang mastikayang pemutus .
 - (3). Kengin sekadi ring sor :
 - ha. Mepuangkid, ngeluputin ayah-ayah Desa Adat Jagapati /Banjar Adat menawite : mepewangunan, meyadnya, metepetin miwah keluasan wiadin jalaran wenten pekeweh ;
 - na. Nyada, ngamademan ayah-ayah / pepeson riantukan sampun wenten penyanda utawi lanjut yusa wiadin nunas ngeraga menawi sakit-sakitan (sungkan) ;
 - ca. Nyada nyeledihin / nyuksukin ayah-an, tur sane kawenangan risampun mungah deha teruna ;
 - ra. Mogpog, ngaturan ayah saha pepson antuk arta brana ;
 - ka. Nguwot, ngentosin ayah-ayah saha pepson antuk arta brana duaning kasudi antuk mawangrat keluasan ngerereh karya paling kidik 6 sasih .

Pawos 14.

- (1). Sang wusan mekrama Desa Adat Jagapati / Banjar Adat inggih punika sangkaning magingsir genah kedura Desa, patut kedulurin nunas panugrahan lan ilikita sakeng prajuru .
- (2). Sang wusan mekrama tan polih pah-pahan sakaning druwen Desa Adat Jagapati / Banjar Adat .
- (3). Prade riwekas sang wusan metulak malih ngeranjing mekrama yan sangkaning rahayu kedadosang tur malih kekeninin pemogpog .

Palet 2

Indik Prajuru

Pawos 15 .

- (1). Desa Adat Jagapati kaenter antuk Bendesa Adat utawi kelian Desa Adat.
- (2). Banjar kaenter antuk Kelian Banjar Adat .
- (3). Sehanan Kelian patut :

- ha. Mawiwit sakeng krama ngarep ;
- na. Uning ring undagi tukang, plutuk Desa kala patra, wariga lan rasa tetimbang (pangloika) ;
- ca. Keadegan melarapan antuk pemilihan olih parumania soang-soang nyabran limang warsa sejawaning wenten pariindik tiyos tur kengin kepilih malih saha medulurang medewa saksi nunas penugrahan ring pura desa .

Pawos 16.

- (1). Bendesa utawi Kelian Adat kesanggre antuk :
 - ha. Pangliman pinaka wakil sakeng soang-soang Banjar Adat sane kapiteges Kelian Banjar Adat ;
 - na. Penyarikan pinaka prajuru ilikita (juru surat) ;
 - ca. Petengen pinaka pengemong druwen Desa Adat ;
 - ra. Kasinoman pinaka juru arah .
- (2). Penyarikan muwah petengen kasudi antuk Bendesa Adat utawi Kelian Adat sakeng Kelian Br. Adat utawi sakeng krama Desa .
- (3). Wewilangan penyanggrane medudonan anut agung alit karya muwah gegambelan .
- (4). Sajeroning ngenterang sukerta niskala, Kelian Adat mingsinggihan pemangku .

Pawos 17.

- (1). Swadarmaning Prajuru Desa Adat Luire :
 - ha. Ngenterang sedaging pemargin Awig-awig, pesuara muwah perarem Desa Adat Jagapati ;
 - na. Nuntun tur ngenterang krama Desa Adat ngupadi anut patitis ;
 - ca. Nuntun saha nyaksinin tata cara muwah sahananing kahuripan mabuut, sane ngilitan sulur pakulawargan ;
 - ra. Maka duta Desa Adat metemuang bawos ring sapa siraugi ;
 - ka. Mawosing kalih niwakang pemutus marep ring wicaran warga Desane .
- (2). Prade prajuru aswadarma utawi nilar sesana, keni panidanda nikel ring keiwangan ikrama manut dudonan muwah kengin kawusan manut perarem .

Pawos 18.

- (1). Petias prajuru Desa Adat luire :
 - (1). Keluputan ayah miwah pepeson .
 - (2). Cenengan saluwiring duman ring Desa Adat/Banjar Adat .
 - (3). Ulih-ulihan sewosan manut perarem .

7.
Pawos 19.

- (1). Prajuru kagentosin riantukan :
 - ha. Kelayuan/kelampusan ;
 - na. Pinunas ngeraga ;
 - ca. Kenorayang antuk krama Desane,menawi ngawetuan biute lan sapanunggilannya .
- (2). Ngentosin/ngenorayang prajuru mangda sajering paruman tur kerarem in antuk krama Desa Adat/Banjar Adat .

Palet 3

Indik Paruman

Pawos 20.

- (1). Paruman ring Desa Adat Jagapati luire :
 - ha. Paruman Desa Adat kawentenan nyabran 6 sasih .
 - na. Paruman Banjar Adat asasih,rahinane manut perarem banjar soang-soang ;
 - ca. Paruman/sangkepan prajuru,anut wiguna ;
 - ra. Sangkepan Sekaa-sekaa anut tetujon soang-soang,saha kaduluring pasadok rihin ring prajuru Desa Adat/Banjar Adat,prasida tan lempas manut patitis ring ajeng .
- (2). Rikala kasinoman mapangarah kacunduk pakubon sang kaarah suwung wenang ikasinoman nyawening lawang sang karauhing mapiteges sang karma inucap sampun polih dedauihang .
- (3). Sajeroning panamayapastika sakeng paruman/sangkepan Desa Adat/Banjar Adat muah prajuru ring ajeng,taler kawentenang padgata kala manut kawiguna soang-soang .
- (4). Sahanan paruman madulurang kadi ring sor :
 - ha. Prasida lumaksana risampun katedunang antuk sang patut ngamiletin maduluran suaran kulkul saha mabusana nylempot tur tan kengin makta gegawan sakluwire,patut nganutin genah saha cane ;
 - na. Pengawit kemargiang penyakcak sep-sepan,saha riwusanja nyakcak dedosan ;
 - ca. Tan maren kemanggala ngarcana Ring Ida Bagawan Penyarikan maka serana Widhi Wedana cane ;
 - ra. Sane jaga ngamiletin paruman tan dados ngemedalan bawos sane boya-boya prade wenten keni pemidanda manut perarem ;
 - ka. Pamutus kautsayang malarapan antuk gilik seguluk,prade tan prasida swarane makehan sinanggeh pemutus .

Pawos 21.

- (1). Sejeroning paruman Desa Adat/Banjar Adat utawi Kelian Banjar Adat patut nyiarang sepemargin ngeteran Desa Adat pemekas nganinin indik :
 - ha. Munjuktungsuring pekraman, mekadi ayah-ayah sulur arta branduwe Desa Adat lan sapanunggilanya ;
 - na. Rencana prajuru nganinin usaha Desane kapungkur ;
 - ca. Sahanan wicara saha pemutusan, lan sapanunggilanya .
- (2). Sehanan kesiaringring ajeng ketitening saha ketiwaking pamutus antuk paruman Desa Adat / Banjar Adat .
- (3). Pamutus paruman Desa Adat/Banjar Adat sinanggeh pararem maka pamitegep pemargin wig-awig .

Pawos 22.

- (1). Sangkepan prajuru patut :
 - ha. Kawentenang sanistaning 6 sasih apisan, bilih-bilih kengin asasihanut wiguna ;
 - na. Kasarengin antuk sahanan prajuru Desa Adat/Banjar Adat ;
 - ca. Katuntun antuk Bendesa Adat/Kelian Banjar Adat .
- (2). Pesangkepan prajuru kawenangan wenten ngerincikan tata upaya ngemargiang usaha miwah pengerencana ska luirnia .
- (3). Pemutus sehanan rerancangan , bilih-bilih rencana sane pacang nibakang teteganan ring ikrama, tan patut kemargiang sedereng kapikukuh antuk paruman Desa Adat/Banjar Adat .
- (4). Pamutus sangkepan prajuru sane mewiwit pituduh sang mawangrat utawi nguningayang pecak perarem ikrama sinanggeh paswara Desa Adat Jagapati .

Palet 4

Indik Kulkul

Pawos 23.

- (1). Kulkul ring Desa Adat Jagapati luire .
 - ha. Kulkul Desa ring Kahyangan Desa ;
 - na. Kulkul Banjar ring soang-soang Banjar ;
 - ca. Kulkul sekaa-sekaa manut kawigunania .

- (2). Tabuh tetepakan Kulkul Desa/Banjar Adat pastika maseyosan manut tatujon :
- ha. Tengerang wali nungpit ngawit pujastawan sira mangku/pranda ;
 - na. Tengeran tedun ngayah utawi ngurungan sane sampun kearah ;
 - ca. Tengeran embas rare lanang tigang klentungan miwah kalih klentungan prade rarene wadon ;
 - ra. Tengeran pawiwahan nungpit sawatara amenit ;
 - ka. Tengeran kelayuan/lampus klentungan memanjang ngelambat
 - da. Tengeran kapanca baya luire :
 - Kebaya pati, mekadi kepet patinia, kebaak, lan sapanunggilannya tigang tulud .
 - Ketunuan utawi puwun atulud bulus ngelambat .
 - Kebhaya utawi blabarab atulud .
 - Arta bhaya utawi kemalingan atulud .

Pawos 24.

- (1). Kulkul Desa Adat/Banjar Adat tan wenang katepak yan tan sangkaning pituduh prajuru, sajawaning tengeran kapanca bhaya manut pawos 23 angka (2) . da ring ajeng .
- (2). Sang nepak tan sangkaning pituduh, patut digelis atur supeksa buatang panepaknia yan tan manut wenang sang amurug kedanda manut perarem .
- (3). Semaliha yan swaran tetepakan kulkul tan anut wiguna taler kedanda anut perarem .

Pawos 25 .

- (1). Selanan kulkul Banjar Adat sewewidangan Desa Adat Jagapati patut nyarengin ketepak prade wenten sinalih tunggil tengeran amuk bhaya pati
- (2). Tengerang kulkul ke pancabhaya anut pawos 23 angka (2) : ring ajeng patut katedunang antuk sehanan ayahan saha gegawan anut rupan bhayane .
- (3). Tengerang kulkul pekaryan patut katedunang antuk ayahan manut daging arahang utawi kesiarang .
- (4). Kulkul Banjar Adat bilih-bilih kulkul sekaa-sekaa tan wenang nyawerin sukat miwah tengeran kulkul Desa Adat prade murug keni pamidanda manut perarem .

10.

Palet 5.

Indik Druwen Desa

Pawos 26.

- (1). Padruwen Desa Adat Jagapati kadi ring sor :
Kahyangan Desa luire :
ha. Kahyangan Desa Adat Jagapati, mekadi Pura Puseh, Pura Dalem, lan Bale Agung ;
na. Pura Alit Gumi ;
ca. Pura Tegal Tenget .
- (2). Tanah Pelaba :
ha. Pelaba Pura Desa melinggah 45 are ;
na. Pelaba Pura Dalem melinggah 44 are ;
ca. Pelaba Pura Puseh melinggah 45 are .
- (3). LPD mekadi druwen Desa Adat Jagapati .
- (4). Tanah-tanah padruwen Desa Adat Jagapati minakadi tanah sawah wenten ring :
ha. Tanah sawah melinggah 16 are megenah ring Subak Pedahanan, Pipil ;
na. Tanah sawah melinggah 10 are megenah ring Subak Pedahanan .
- (5). Pasar Desa dados padruwen Desa Adat Jagapati .
- (6). Karang ayahan Desa Adat manut sekadi krama sane jumenek ring pelemahan Desa Adat Jagapati .
- (7). Setra kalih pelebahan tur soang-soang karempon antuk Desa Adat Jagapati luire :
ha. Setra Alit ;
na. Setra Agung .
- (8). Piranti-piranti Desa luire :
ha. Wantilan Desa Adat Jagapati ;
na. Bale Banjar ring soang-soang Banjar, sewewidangan Desa Adat Jagapati .
- (9). Lelanguan mekadi tetabuhan lan ilen-ilen, luire :
ha. Kulkul Desa lan kulkul soang-soang Banjar ;
na. Gong pedruwen antuk soang-soang Banjar ;
ca. Angklung pedruwen antuk Banjar Jabejero ;
ra. Ilen-ilen wali Pura inggih punika Rejang Dewa .

Pawos 27.

Upon-upon Pelaba Pura druwen Desa Adat keetangan antuk Prajuru Banjar Adat .
 Upon-upon Pelaba Pura Desa, Puseh, lan Dalem keanggen prebea ngelaksanayang piodalan .
 Nyabran paruman Desa Adat prajuru pengamong druwen Desa Adat ngawentenan pesadok parindik munjuk lungsuring padruwen Desa Adat antuk ilikita pastika.
 Seluwiring pedruwen Desa Adat patut wenten ilikitania .

Pawos 28.

Pelaba Pura ririgan kekaryanin antuk peletan (Banjar) soang-soang .
 Olih-olihan padruwen Desa Adat sane tiyosan keanggen prebea piodalan miwah nyanggra wewangunan Desa Adat Jagapati .
 Busana ring soang-soang Kahyangan Desa Adat (Puseh, Desa, Dalem) keraksa antuk pemangku soang-soang Pura .

Pawos 29.

Tan kalugra ngadol sekancan padruwen Desa Adat, sejawaning kawigunayang anut patitis lan keraremin antuk krama Desa Adat Jagapati Sang ngamong karang ayahan Desa Adat tan kengin ngadol, santukan karang inucap sinanggeh tatak ayah ring Kahyangan Tiga .
 Tanah tatak ayah muwah kepawongannia ring karang inucap kaetang antuk kulawarga sane pinih werda .

Palet 6

Sukerta Pamitegep

Kaping 1 .

Karang, Tegal, lan Carik

Pawos 30.

Sang ngamong karang ayahan Desa Adat Jagapati patut ngewatesin karang inucap antuk pagehan wiadin tembok, pinih ajeng sane marep kemargine katon asri .
 Watese sisi kaler miwah kangin patut kekaryanin antuk sang madruwe karang reh punika mewasta gegaleng kaluan .
 Prade keraksayang pagehan inucap ngalikadin, yening pada arsa penyandinge kengin batese nganggen pinget kewanten .
 Asampunika taler wenten karang kebebeng, mangda kautsahayang wenten margi .

Pawos 31.

Tegal miwah carik patut megaleng keteben, pitegesnia batese sisi kulon miwah kidul patut kekaryanin tur kepiara antuk sang medruwe tegal miwah carik .

Batese inucap kengin antuk pagehan, wiadin prahcihna antuk caciren KPT

Pawos 32.

Sinalih tunggil krama Desa Adat/Banjar Adat tan kalugra :

ha. Ngelalah tanah tegak sinanggeh suci mekadi tegak Kahyangan, Setra lan sapanunggilannya ;

na. Ngelalah karang, tegal, margi lan sapanunggilannya ;

ca. Ngembahan toya wit wewalungan, pewaregan, lsp. kepekarangan krama tiyos ;

ra. Miwah ngentungan wangken wewalungan ketukade utawi kepekarangan krama tiyos ;

Prade mamurug kecaping ring ajeng :

ha. Manut angka (1) sejawaning ngewaliang sane kelalah , kedanda gung arta miwah penyanggaskara manut perarem ;

na. Manut angka (2) kedanda ngewaliang sane kelalah muwah gung arta manut perarem ;

ca. Manut angka (3) patut nyampetin toyo inucap ;

ra. Manut angka (4) kepatut nanem wangke inucap

Kaping 2.

Pepayonan

Pawos 33.

Ngawit nanem tuwuh patut adepe agung (2,25 m) ngajeroang sakeng wates.

Tan kalugra wit taru :

ha. Mentik sajeronning wates ;

na. Ngelintangin wates, bilih-bilih mewastu inayanin penyandinge .

Prade wenten inucaping ajeng manut angka 2.1 kengin kewara antuk penyandinge tur kesadokang ring prajuru, mangda mituduhin sang nruwenang wit ngerebah taru inucap. Yening sampun jantos ping 3 nyadokan taler tan kerebah, kengin sang nyadokan taru inucap tur pinara tiga, asiki katur ring prajuru sane maritatas muwah kekalih kebagi ring sang madruwe bates .

Prade wenten sinanggeh mayanin anut angka 2.na sang kejerihan patut
atur munggul/notor utawi sanistane nyepat gantungin .
Prade wewangunan jantos kerubuhin , sane keni prabea saha
penyanggaskara / utawi pekeludan :
ha. Sang nruwenang wit sinanggeh mayanin risampun polih kewara ;
na. Sang notor,munggul utawi ngerebah taru inucap ;
ca. Taru inucap ketaban antuk sang kerubuhin.

Kaping 3.
Wewangunan
Pawos 34.

Wewangunan patut :
ha. Ngangge asta bumi muwah gegulak asta kosala kosali ;
na. Tan nyayubin kepisaga .
Prade wenten nyayubin,risampun kasadokin ring prajuru keni pimidanda
manut perarem .
Prade ngewangun telenging bates.patut kewentenang paigam ring
penyandingnia, tur mesadok ring prajuru Desa Adat/Banjar Adat yan
memurug riwekas kewara antuk penyandingnia wenang wewangunan
inucap kagubar saha tan polih prebea kapocolan utawi sanistane patut
kekaryanin abangan .
Sapa sira ugi krama sane madruwe palemahan nampekan ring Pura
Kahyangan Desa lan Pura Panti jaga mekarya wewangunan patut mangda
nenten ngeranayang cemer genah Pura inucap prade mamurug pacang
kapidanda manut perarem .

Kaping 4
Wewalungan
Pawos 35.

Sehanan Warga Desa Adat Jagapati sane mamiara sekeluire
wewalungan,patut sayaga nitenin negul ngelogor,mangda tan ngerusakin
karang utawi pabianan,bilih-bilih jantos ngeletchin Kahyangan utawi
Pemerajan krama liyos .
Prade wenten sekadi ring ajeng patut keplungguhang ring sang madruwe
wewalungan .
Yening jantos ping kalih malungguhang ngelanur kesadokang ring
prajuru mangda ketiwakin pimidanda kadi ring sor :
ha. Ngewaliang wit sane rusak muwah prabea kapocolan ;

- na. Cecaron prade wewalungan ngeleb jantos ngelethhan Kahyangan/Pemerajan .
- ca. Taler kengin wewalungan inucap ketaban antuk tata cara :
1. Sang naban patut memiara wewalungan sepatut ipun,prade mamurug tan polih prebea sakeng sang nruwenang wewalungan inucap .
 2. Sang medruwe patut naur prebea panaban muwah kapocolan kerusakan wit,anut pangelokikan prajuru .

Pawos 36.

Tan kelugra nganon :

- ha. Palemahan tegak Kahyangan / Pemerajan .
- Prade sekadi angka-angka ring ajeng keni pemedanda manut perarem saha maweweh penyanggaskara prade jantos manut angka(1).
Krama Desa patut nyerayanin wewalungan miwah sarwa prani ,tan kepatutang maboros paksi miwah nuba ulam lan siyosan .

Kaping 5.

B h a y a

Pawos 37.

- Bacakan panca bhaya anut pawos 23,angka (2).da maweweh malih asiki sane kapiteges dura cara ring Agama .
- Sang manggihin sehanan jiwa bhaya patut nepak kulkul mapitulung anut pawos 23 angka (2).da ring ajeng,prasida sang mayanin keni pemedanda sekala niskala utawi patiba jampi lan penyanggaskara .
- Asampunika taler sang manggihin kehanan arta bhaya utawi kemalingan utawi sang kemalingan mesadok ring prajuru sane pacang nibakang pamutus ring dustane :
- ha. Ngemaling apisan keni pemedanda ngewaliang wit tur nyangunin Banjar Adat /peletan meulam $\frac{1}{4}$ kg ,beras 1 kg ;
 - na. Ngemaling ping kalih penikel ngewaliang wit tur penyanguia maulam $\frac{1}{2}$ kg, beras 1 kg ;
 - ca. Ngemaling jantos ping tiga ,pemedandane ngewaliang wit nikel saha penyangu meulam 1 kg, 1 kg beras ;
 - ra. Dedendan inucap kekuwub antuk peletan/Banjar Adat ulamnyane kecihnayang antuk bawi meurip ;
 - ta. Meweweh penyanggaskara manut perarem prade ngemaling barang sinanggeh suci .

15 .

Pawos 38.

Sapasira ugi manggihin ketunuan utawi belabaran patut ngulkul mapitulung manut pawos 23 angka (2), da ring ajeng.
Sang dura cara ring Agama macinna anut tripremana, wenang jadma inucap keni pemidanda manut perarem saha penyanggaskara .

Kaping 6 .

Penyanggran Banjar

Pawos 39 .

Rikala ngewangun Yadnya suka duka kengin nunas pengeromboan Banjar, upami sejeronin upaka Pitra Yadnya, Manusa Yadnya, Ngingsiran wewangunan lan sapanunggilanya .

Penyanggran Banjar kemargiang manut dresta muwah perarem Banjar Adat soang-soang .

Ibanjar katurang pengu manut agung alit upakarane .

**CATHURTAS SARGAH
SUKERTA TATA AGAMA**

Palet 1

Indik Dewa Yadnya

Pawos 40.

Pelinggih penyiwian sewidangan Desa Adat Jagapati luire :

ha. Kahyangan Desa Adat manut pawos 26 angka (1) ;

na. Pura Pedadian/Paibon miwah pemerajan soang-soangkrama Desa Adat .

Rahina piodalan soang-soang Kahyangan Desa lan pedadian inucap kadi ring sor :

ha. Pura Desa/Bale Agung, rikala Anggara Kliwon Medangsia ;

na. Pura Puseh rikala, Budha Wage Merakih ;

ca. Pura Dalem rikala, Bhuda Kliwon Paang ;

ra. Pura Alit Gumi rikala, Saniscara Kliwon Krulut ;

ka. Pura Tegal Tenget rikala, Saniscara Kliwon Wariga ;

da. Pura Pedadian kesukserah ring krama pengamong soang-soang .

Pengaci ring Pura inucap nista madya utama nganut kewentenan lan perarem maka dasar sastra Agama .

Pawos 41.

- Ring soang-soang Pura kewentenen Pemangku .
 Ngadegang pemangku manut dudonan ;
 ha. Nunas pemuwus Widhi utawi nyanja ;
 na. Ngawilang sakeng turunan utawi ngewaris ;
 ca. Pilihan krama Desa Adat .
 Tan wenang anggen pemangku, mekadi :
 ha. Cedangga luire : Peceng, perot, cungh, lan sapanunggilannya ;
 na. Kegeringan luire : Sakit, ila, ayan, buduh ;
 ca. Muwah sane tiyosan manut perarem .
 Prebea ngewentenang ngadegang pemangku lanang istri miwah
 pemitrayadnyanna riwekas kemedalin antuk krama Desa Adat miwah
 sang sane ngadegang arep ring mangku siyosan ring pemangku
 Kahyangan Tiga .

Pawos 42.

- Swadarmaning Pemangku :
 ha. Nitenin nuntun kesucian Kahyangan ;
 na. Ngenteran upacara/upakara piodalan ring Kahyangan Desa miwah
 pekubon soang-soang krama Desa Adat ;
 ca. Ngaturan penawuran sinalih tunggil ikrama Desa Adat utawi
 krama dura desa .
 Sang penawuran patut mesadok ring prajuru mangda keilikitayang tur
 keungguhang kedruwe Desa luire :
 ha. Penawuran upacara lan wewalen ;
 na. Penawuran leluwes, mole-mole lan sapanunggilannya ;
 ca. Sesari-sesari, lan sapanunggilannya ;
 ra. Sejawaning penawuran pejati, lan sapanunggilannya sane mewali
 kelungsur kengin kepuputang antuk pemangku kemawon.
 Ngenterang Yadnya madya, bilih-bilih utama kengin nuwur pranda
 pacang muputang piodalan inucap lan ipemangku maka penyanggra .

Pawos 43.

- Petias pemangku luire :
 Cenengan sehanan duman .
 Luput ayah lan pepeson, lan petias tiyosan manut perarem .

Pawos 44.

Pemangku kegentosin riantukan :

ha. Kelayuan/lampus ;

na. Pinunas ngeraga,menawi sungkan ;

ca. Kawusan menawi nilar sesana sangkaning melaksana asta dusta .

Prade mangku kawusang sangkaning melaksana asta dusta,sejawaning danda arta,manut perarem maweweh ngewaliang upon penelas pawitenan pecak .

Pawos 45.

Kasukkertan Kahyangan kadi ring sor :

Tan kalugra ngeranjing ke Pura :

ha. Sang kacuntakan sangkaning kelayuan utawi sebel raga luire :

- Sebel kandel ngeraja,selami dereng,mebersih .

- Sebel medruwe oka selami dereng akambuhan .

- Sebel pengantenan ,selami dereng kebyakala .

na. Jatma petuta lan panten ;

ca. Makta sehanan barang sinanggih ngeletehin ;

ra. Sato agung ,sejawaning mepepada;

ka. Yan mabusana adat luireprade muspa mewastra ,kampuh lan destarmuwah mekarya di Pura mewastra kalih meslempot,lan destar .

Pratilaksanane tan wenang ring Pura :

ha. Masumpah utawi anayub cor,sejawaning pituduh prajuru :

na. Makebetan,masesenangan,makolem lanang istri dados

asiki,mabacin,mekutu,nyusonin anak alit (bayi) lsp :

ca. Munggal tedun pelinggih,sejawanin pituduh prajuru/pemangku .

Sang amurub kecaping angka (1) miwah (2) ring ajeng kedanda manut perarem saha meprayascitayang,sejawaning angka (1).ra sang nruwenang wewalungan kekeninin pemidanda inucap,miwah angka (2). ra prade pemangku kengin kawusan.

Prade wenten jatma kerawuhan ring Pura,prade kesumangsayan kengin kepintonin,yantan wiyakti kesisipan manut perarem .

Prade Kahyangan kehanan durmengala,luire : kerubuhan,kehanan wangke sato agung,lan sapanunggilannya pemangku mangda digelis nyadokang ring prajuru prasida keupakara kadi patut .

Palei 2.

Indik Resi Yadnya

Pawos 46.

- (1). Sang pacang mapudgala utawi Dwijati,sejawanin nunas panugrahan ring sang ngawewenang (Parisadha utawi Kantor Agama) taler patut masadok ring Bendesa Adat .
- (2). Prajuru inucap patut sareng nitenin nureksa mangda sulur kalih pemargine jati-jati manut ring kecaping sastra Agama, mekadi kecedangan,lan spanunggilannya saha sareng nyaksinin pemargi upacaraane .
- (3). Sapupute,prajuru Desa Adat patut digelis ngawedarang parab sang di Diksar ring sehanan ilikita antuk biseka kawiken manut panugrahan nabenia,saha kesiarang ring paruman Desa Adat/Banjar Adat .

Pawos 47.

- (1). Sejawaning pemangku sang pacang mewinten maka buatang memargi nyonteng,Balyan,Dalang,Sekeluir jagi ngenteran yadnya patut masadok ring Bendesa Adat .
- (2). Prajuru patut nitenin tur ngalangin prade kacihnan kakecap manut dre tane tur sareng nyaksine upakara,selanturnyane nyiarang ring Desa Adat/Banjar Adat tegep rauhing wates kewenangan pangenter yadnyane .

Pawos 48.

- 1). Krama Desa Adat sami patut nitenin katuntun antuk prajuru mangda sehanan yadnya sane kawentenang kaicen pemuput olih Pandita utawi sang Yajamana (Mangku,Dalang,Sekeluire) manut kewenangane soang-soang .
- 2). Prajuru patut nuntun saha ngemanggala krama Desa Adat nitenin sepemargin wikune ring wewidangia,pamekas mikukuhing kesucian linggih Ida .
- 3). Ngaturang sang muput dana punia antuk agung alit karyane .
- 4). Sakeng ateleb mapiresep utawi pawisik lan pustaka suci pelaryan Para Resi .

19 .
Palet 3
Indik Pitra Yadnya
Pawos 49.

Pemargin Pitra Yadnya madudonan manut kadi sor :

Pengupakaran sang layon :

- ha. Mendem utawi ngeseng, makacihna mekingsan ring Ibu Pertiwi
utawi ring Betara Brahma selami nutupan prabea ;
na. Atiwa-tiwa lantur keabenan, tur sane kedadosan risampun ketus
untu, saha prade durung ketus ngawit sakeng yusa 3 sasih patut
keabenan ngelungah .

Upakara-upakara pitra riwus keabenang mawasta upakara-upakara ring
pitra utawi Betara-Betari .

Pawos 50.

Swadarmen lan tetegenan prade wenten sinalih tunggil warga Desa Adat
kelayuan :

Sang keduhkitan patut :

- ha. Nyadokang ring prajuru tur nunas tetimbang ring kewentenannia ;
na. Ngaturang ring banjarnia prade kependem utawi ke abenang .

Swadarmen ing Banjar Adat/Desa Adat :

- ha. Prajuru mapitatas pemargin sang keduhkitan napi jagi kependem /
keabenang ;
na. Nepak kulkul anut pawos 23 angka (2).ka ring ajeng ;

ca. Penyanggran ibanjar selanturnia :

- Soang-soang krama medalang patus anut perarem soang-soang
banjar adat, asampunika taler prade lantur keabenang.
- Krama banjar lanang istri ngambil pekaryan manut dresta
miwah ngerombo rikala pekutangan, saha soang-soang
mebusana Adat, mewastra, meslempot kalih destar
- Pemargin sawane miwah upakarane mangda dabdab antar .

Yan sawane jantos meleletan kengin langkungan ring 42 rahina, tur
ngawentenang pagebagan manut paetangan prajuru banjar Adat soang-
soang .

Pawos 51.

Prade Kependem patut ring sor :

Nganutin dewasa, miwah tan kalugra mendem :

- ha. Rikala alang dina ;
na. Rikala Betara Kahyangan nyejer ;
ca. Kekirim wangke, lan sapanunggilannya .

- (2). Nganutin genah ring setra soang-soang.
- (3). Kelugrayang mendem manut paetangan
 - ha. Anak alit durung tumbuh untu,patut kependem premangkem tan nyantos dewasa ;
 - na. Pemendem an rikala piodalan sane kebawos galah dadi, untuk tata cara . Aman dung tanpa suar,memargi v engi saha tan meupakara prem angkin .
- (4). Ring setra tan kelugrayang mekarya undag-undag gumanti,kenginan mepinget asiku ban bangun,makecihna panemaya muwah parab sang lampus .
- (5). Prade wenten krama dura Desa kekeninin penanjung batu manut perarem asam punika taler prade metempung ngaben .
- (6). Sengker banjar rikala petoyan ring Pura Kahyangan Desa sane ngarep 7 rahina,sane tan ngarep 3 rahina .
- (7). Petoyan ring kepantian sejeroning banjar inucap mesengker 7 rahina tiyosan ring banjar inucap tan keni cuntaka .
- (8). Yening nampek piodalan ring Pura Kahyangan Desa tur sampun ngeranjing sengker 7 rahina sane ngarep, 3 rahina sane tan ngarep dados ngaben ngelanus .
- (9). Prade pauman ring Kahyangan Desa sane polih ngamongan mesengker 1 rahina,prade ngelanus polih banjar yan pacing mependem polih tempekun
- (10). Rerahinan gumi (Galungan,Kuningan,Saraswati,Pagerwesi,Bhuda Kliwon Ugu ,lan sapanunggilannya) mesengker 3 rahina .
- (11). Prade kulawarga mewali sakeng dura banjar/Desa mangda mesadok ring prajuru risampun 6 sasih prade lampus polih banjar sedurung punika keni penanjung batu manut perarem .
- (12). Prade wenten tiyosan banjar Adat matempung ngaben wantah polih pemuput kewanten pahan upakara selanturnyane kekaryanin olih sang sane metempung ngaben .
- (13). Prade mepupul ngaben nenten kedadosang megenah ring wewidangan balai banjar.
- (14). Pemuput ritakalaning pengeritan mangda keparuman olih Prajuru sareng sang sane ngerit .
- (15). Prade wenten krama lampus keputungan keabenan antuk Desa Adat tur karang ayahan mewali ke Desa Adat .

Pawos 52.

- 1). Prade lampus sangkaning salah/ulah pati kepengawan . lan sapanunggilannya kengin kebakta budal tur kepretেকaladi patut risampun kemenggala antuk upacara upakara banten pra busan lan pengulapan .

- 2). Prade sang istri lampus ngadut manik,tan wenang kependem/geseng sedereng bobotanne embas utawi manik punika patut kemedalang rihin .
- 3). Prade kehanan wong lampus ring pekarangan,tegalan,carik,lan sapanunggilannya patut sang mederbe sawa merayascita genah inucap.

Pawos 53.

- .). Mungguing kecuntakan ring sor :
 - ha. Sakeng behanjaran selami 3 rahina,semaliha ;
 - Prade kependem,ngaben prem angkin,ngawit sakeng lampus ngantos 3 rahina sakeng mependem utawi pelabar buntas .
 - Prade atiwa-tiwa nyeka utawi ngawit sakeng ngulapin ngantos 3 rahina risampun mepegat.
 - na. Sang medruwe layon ;
 - Durung mekepus udel,selami 42 rahina .
 - Sampun kepus udel ngunggahang selami 12 rahina tiyosin pengarep .
 - ca. Sakeng sulur kilitan pekulawarga wit purusa misan 12 rahina ,mindon 7 rahina,muwah dadia 3 rahina ;
 - ra. Upakara pebuntasan cuntaka meweweh pekulamijian rateng sakeng pengarep muwah mentah sakeng tiyosin ngarep .
1. Tan keneng cuntaka :
 - ha. Sang Sulinggih ,Pem angku Kahyangan Tiga,Mangku Panti ;
 - na. Rikala ngewangun yadnya sane kebawos gelah dadi .

Pawos 54.

- . Atiwa-tiwa pengabenan wenten kalih pawos :
 - ha. Nyawe Resi utawi nyuwasta geni, santukan tan ngagah utawi sawane tan kekeniang ;
 - na. Sawa preteka,kelaksanayang antuk ngagah utawi mreteka sawa (ngewangun) .
1. Dudonan pengabenan sekadi ring sor :
 - ha. Ngaskara antuk ngagah utawi nyawa resi,pengutangan antu ngeseng sawa,pekiriman muwah selanturnia nyekah / memukur .

Pawos 55.

- . Pemargin pengabenan wenten tigang soroh luire :
 - Ngaben dakdakan antuk prebea muwah pengamong karya manut dresta lan perarem .

- (2). Ngaben nganca pedewasan kewastanin ngaben Nuka,nyabran ngewarsa apisan,prebea muwah pengerombo anut dresta .
- (3). Ngaben ngerit,dasa warsa apisan kesanggira antuk krama DesaAdat Jagapati manut dresta muah perarem .
- (4). Pengambilan upakarane ring ajeng,nista,madya,utama,manut dresta muwah perarem meduluran sastra Agama .
- (5). Prade pacang ngelaksananyangpengabenan ngerit, prade wenten krama sane lampus tan dados keabenan sejeroning 6 sasih ngawit ngaben ngerit

Palet 4

Indik Manusa Yadnya

Pawos 56.

- (1). Manusa Yadnya inggih punika upakara-upakara darmaning manusa ngawit sakeng patemoning kama petak kelawan kama bang sejeroning garba utawi waduk ibyang,ngantos lampus riwekas .
- (2). Dudonan upakara ring ajeng sekadi ring sor :
 - ha. Magedong-gedongan duk pengerempinian ibyang bobotan 3 sasih jantos 4 sasih ;
 - na. Duk sang kama reka wawu embas ;
 - ca. Kepus udel ;
 - ra. Ngelepas aon risampun mayusa 12 rahina ;
 - ka. Akambuhan yusa awulan pitung dina ;
 - da. Tigang sasihan ;
 - ta. Pewetuan risampun nem sasih ;
 - sa. Ngempugin rikala sampun tumbuh untu ;
 - wa. Munggah dehe teruna,rikala ngembakin lanange,ngeraja wadone;
 - la. Mepandes / metatah ;
 - ma. Memiwaha ;
 - ga. Mewinten utawi medwijati, lan sapanunggilannya .
- (3). Upakara-upakara inucap nista,madya,utama,nganutin sastra Agama miwah catur dresta ,mekebuatan Desa drestane,ngajegang sima dresta Desa Adat Jagapati .
- (4). Upacara pewintenan anut pawos 47 ring ajeng muwah upacara pewiwahan manut pawos 61 angka 1 kadi ring sor :

Palet 5

Indik Bhuta Yadnya

Pawos 57.

- 1). Bhuta Yadnya inggih punika upacara-upakara pebyakalan ring Ibu Pertiwi lan Kahyangan, ring sarwa prani muwah ring sarwa bebhutan.
- 2). Upakara-upakara pebyakalan ring sarwa prani :
 - ha. Tumpek pengarah penemoning Saniscara Kliwon uku Wariga,upacaraning sarwa tumuwuh ;
 - na. Tumpek Uye penemoning Saniscara Kliwon uku Uye,upacaraning sarwa ingon-ingon ;
 - ca. Upacara pekalan-kalan manusa anut wiguna,ketah kebawos pebyakalan .
- 3). Upacara upakara pebyakalan ring Ibu Pertiwi muwah Kahyangan lan ring Bebhutan kewastannin mecaru .
- 4). Pecaruan inucap nista,madya,utama manut wiguna kadi ring sor :
 - ha. Eka sata ;
 - na. Panca sata ;
 - ca. Resi gana ;
 - ra. Panca kelud ;
 - ka. Panca sanak ;
 - da. Tawur kesanga .
- 5). Sejawaning ring ajeng kewentenang upakara Yadnya Sesa utawi banten saiban/ngejot nyabran wusan ngerateng.

Pawos 58 .

Upakara Tawur kadi ring sor :

- 1). Majeng ring Ida Bhatara manut :
 - ha. Panglong-ping 14 sasih kesanga,nyejeran Ida Bhatara ring Pura kalih rahina ;
 - na. Pelelastian panglong ping 12 .
- 2). Upakara Tawur manut dudonan :
 - ha. Ring Tilem ing kesanga kewentenan pengerupakan ;
 - na. Pecaruan manut genah luire :
 - Ring Desa Adat/ Banjar Adat soang-soang .
 - Ring lebuw soang-soang krama upakara manut arah-arah .

Pawos 59 .

- 1). Upacara rahina Nyepi/sipeng,nganutin catur pebratan kadi ring sor :
- ha. Amati geni,tan kengin me api-api,sejawanin :
- Sang medruwe rare dereng tigang sasih,ring genah rare inucap .
 - Sang matepettin ring sang sungkan .
 - Sang medruwe layon ring genah sawa inucap, lan sapanunggilannya.
- na. Amati Karya,tan wenang nyambut karya ;
- ca. Amati lelungan ,tan kengin melelungayan,sejawanin petilik/prajuru Desa Adat saha sang polih wak-wakan antuk ilikita pastika ;
- ra. Amati lelungan,tan kengin mesuara gora,maoneng-onengan/mepelalian .
- 2). Prade murug brata penyepian keni pemedanda manut perarem,kelaksanayang antuk petilik Desa Adat muwah Hansip,tur dedendan inucap kepinara tiga,asiki keatur ring Desa Adat/Banjar Adat kekalih ring petilik /Pecalang lan Hansip .
- 3). Riwus rahina Nyepi kewastanin ngembak geni,mapiteges pengelukaran yoga semadi kedulurin antuk ngaksama soang-soang krama Desa Adat/Banjar Adat Jagapati maka cihna pengawit Isaka warsa .

PANCAMA SARGAH
SUKERTA TATA PAWONGAN

Palet 1 .

Indik Pawiwaha

Pawos 60 .

Pawiwahan inggih punika petemoning purusa lan predana sekala kepenunggalan kayun suka cita keduluran upasaksi sekala kelawan niskala .

Pemargin pewiwahane luire :

- ha. Pepadikan,kemanggala antuk pekrunan rihin ;
- na. Ngerorod,merangkat dumun wawu kakrunayang ;
- ca. Nyeburin .utawi kebawos nyentana risampun kepitegepin upacara pemerasanne .

Pidabdab sang pacang marabian patut :

- ha. Nganutin yusa,sekirangnia sampun manggeh dehe teruna ;
- na. Sangkanin pada rena utawi tan kepaksa ;
- ca. Nganut kecaping Agama, utawi tan ganya gemana lsp ;
- ra. Prade pengambile tiyosing Agama,kemanggala antuk banten Sudi Wedani .

- (4). Pemargin perabian inucap ring ajeng, mangda taler nganutin UU. No. 1 warsa 1974 saha PP. No. 9 warsa 1975 m wahi pasuara sane kemedalang antuk Gubernur Bali.
- (5). Sang murug kecaping ajeng manut tri premana patut :
- ha. Tan manut angka 3. da menawi kepelegandang, pengantene kengin kepalasang tur sang melaksana keni kedanda manut perarem ;
- na. Tan manut kecaping Agama, kedanda manut perarem tur perabiane kepalasan .

Pawos 61 .

- (1). Pawiwahan sane kepatut ring Desa Adat Jagapati manut kecaping pawos 60 angka 1 risampun makacihna :
- ha. Pawidi wedanan sanistane pebyakalan ;
- na. Kesaksinin antuk prajuru Desa Adat lan Dinas Jagapati ;
- ca. Nawur prebea upasaksi pawiwahan manut perarem ;
- ra. Keungguhan sajeroning pailikitan tur ketumusang ring sang ngawowenang / Camat .
- 2). Perabian tan kebawos patut :
- ha. Natab upakara sangkaning pepaksan ;
- na. Sinalih tunggil tan rawuh m wahi tan wenten ilikita ;
- ca. Tan wenten saksi m wahi ilikita .

Pawos 62.

Tata caraning Perabian patut kadi ring sor :

- 1). Sapasira ugi pacang ngewarangan pakulawarga patut mesadok ring prajuru, selanturnia prajuru maritatas manut tan kecap perorodane .
- 2). Pelaksanaan perorodan patut :
- ha. Reraman lanange ngewentenan pamiluku utawi pesadok antuk duta, sekirangnia kalih diri, saha tan kengin kasepan arahina sejawaning ngambil ngelangkungin segara, lan sapanunggilannya ;
- na. Yening tan wenten pamiluku patut kulawarga wadone netes nganutin tata cara netes, kaenter antuk prajuru ;
- ca. Pengenahan antene tan kengin sejeroning Bale Agung ;
- ra. Kulawarga wadone patut nepak kulkul anut pawos 23 angka 2. ra sejeroning tigang rahina prade jantos langkungan tan ketepakan kulkul wenang kepuputan sang prajuru .
- 3). Sejeroning pekrunan utawi pengelukuan patut :
- ha. Kemenggalan antuk geng pengampura arep ring reraman wadone ;

- na. Keiguman bawos indik pekidih utawi pelegayan arep ring pesewakan lanange saha dewasa pekrabkambyane riwewakas
- ca. Taler kecihnayang patut ngidih anak lanang,kebawos pawiwahania nyeburin .
- (4). Prade tan keterima pakrunane kemargiang pepadikan jantos ping tiga maka serana manut dresta.

Pawos 63.

- (1). Piteges pawiwahanne,patut patut sang lanang merabi indri,asampunika sewaliknia,sejawaning wenten pasubaya utawi paetangan tiyos.
- (2). Prade wong lanang mobotan anak istri patut sang mobotan nyakapan wadone,yan tan manut keni pamidanda ngupakara bobotanne saha mariangken muwahngupajiwen sentana embas bobotan inucap .
- (3). Prade wenten pratilaksana sane ngeranayang cemer pejagatan Jagapati luire :
- ha. Drati krama/paradara utawi nyolong semara jantos kedapetan antuk rabine prade kesadokan ring prajuru keni pamidanda nyapuh ring margi sewewidangan Desa Adat Jagapati ;
- na. Mitra ngalang utawi tingkah mekadi mapikuren sakewanten tau mewidi widana jantos tigang sasih suwene,patut kawiwahayang prade tan manut keni pamidanda manut perarem marep ring kulawarga sane ngundulan jatma inucap ;
- ca. Prade wenten anak istri mobot nenten wenten anak ngangkeman nu embas anake alit patut mrayascita Desa antuk caru ayam panca sata megenah ring Catus Pata lan Bale Agung tur keni denda 1 kg beras ayahan ngarep ring Banjar soang-soang ;
- ra. Lan pratilaksana cemer tiyosan keni pamidanda manut perarem .
- (4). Mungguing pelaksanaan asumundung alangkah karang ulu kasukserah ring sang ngawarangan ,upacaranya kewastanin Pati Wangi .

Palet 2.

Indik Nyapihan

Pawos 64 .

- (1). Pawiwahan prasida kawusan melarapan antuk palas utawi kej ademan
- (2). Wusan mapikuren riantukan salah sinunggil lampus,mapiteges babu
- (3). Palas perabian wenten sangkanin lila utawi mawiwit wicara praedina lan tumus suka citaning panunggalan idep sang alaki rabi,kapiteges nyapihan
- (4). Sang ayat palas merabian patut atur supeksa pailikitan ring sang mawawos utawi Pengadilan Negeri wasta tinas apadang pemutus kebawos nyapihang. Lantur prajuru nyiaran kewentenen ring Desa Adat saha mapidanda manut perarem .

Pawos 65.

Tata caraning palas perabian :

- (1). Sulusur palase prade sinalih tunggil : anasar laku, cedangga, wirosaning laku matilar tan pasadok jantos 6 sasih, mwah setata wak parusia tan prasida adung malih.
- (2). Yening wicarane ketumbusang antuk lanange, patut makacihna sang istri :
 - ha. Paradara utawi anasar laku ;
 - na. Amandel sang gama utawi meambul-ambulang jantos nem sasih, lan sapanunggilannya ;
 - ca. Cedangga, lan sapanunggilannya .
- (3). Prade wicara ketumbusang antuk wadone patut sang lanang makacihna :
 - ha. Dratikrama ;
 - na. Cedangga utawi wandu ;
 - ca. Tan nyanggamen salia ngupajiwen jantos nem sasih, lan sapanunggilannya.
- (4). Prade macihna manut ring tri premana utawi saksi, buk'edikita sang mewicara inucaping angka (2) mwah (3) :
 - ha. Perabian kengin kepalasan ;
 - na. Kekeninin pamidanda mesamsam ring Bale Agung .
- (5). Prade palase sangkaning pada lila, patut :
 - ha. Nawur prebea sami matenge ;
 - na. Nyekolahang mwah ngemulihang pengupajiwa pratisenana manut swadarmaning guru rupaka ;
 - ca. Ketiwakin pamidanda manut angka (4), na ring ajeng.
- (6). Pamidanda kengin kemargiang risampun ketiwakin pemutus antuk sang rumawos manut pawos 64 angka (4) ring ajeng .

Pawos 66.

Prade riwekas sang palase kecihnan adung amalih, patut :

- (1). Ngelaksanayang pawiwahan malih anut pawos 62 angka (1) ring ajeng .
- (2). Keni pamidanda nikel sakeng palase, yadiastun palase pecak sangkaning pada lila .

Pawos 67.

- (1). Soang-soang balu nganut kawengania, kebinayang dados :
 - ha. Balu luh wit sentana utawi sentana rajeg, mwah luh boyo sentana .
 - na. Balu muani kepurusan mwah balu muani nyeburin utawi boyo sentana .

- (2). Swadarmaning balu inucap patut :
- ha. Ngem anggehan pati brata, tan kengin paradara utawi drati krama :
 - na. Nguasayang waris, pegunakayan, tan kengin ngadol, ngadeang, maki-dihang, sejawaning polih kebebasan sakeng ipianak utawi kulawarga kepurusan prade pianake kantung alit-alit :
 - ca. Kengin ngangkat sentana, prade sampun wenten pidabdab sedurungsinalih tunggil lampus saha kebebasan antuk kulawarga pinih tampek ;
 - ra. Kewenangan mewiwaha malih, prade sampun polih poligum sakeng ipianak dehe teruna utawi kulawarga kepurusan .

Pawos 68 .

- (1). Balu keucap tan pageh , luire :
- ha. Sangkaning melaksana drati krama utawi paradara ;
 - na. Matilar sakeng pakubon tan pesadok jantos 6 sasih ;
 - ca. Lempas ring swadarmaning balu, tan prasida ngeselin silih maprewerti arep ring pituduh kulawarga kepurusan .
- (2). Yening macihna kadi ring ajeng manut tri premana kengin balu inucap tan polih waris miwah paguna kayan .
- (3). Prade balu inucap kaucap pageh ketundung antuk kulawarga kepurusan, wenang balu inucap polih paham peguna kayan .

Palet 3

Indik Sentana

Pawos 69 .

- (1). Mungguing sentana wenten kaucap pratisentana miwah sentana peperasan
- (2). Prade perabian tan patut raris ngewetuan sentana, mangda tankantun keucap astra utawi bebinjat, yoga kem anggala antuk upakara prayascita .
- (3). Prade pawiwahane tan ngewetuang sentana kengin ngidih sentana antuk upakara sekala niskala, sane kewastanin sentana peperasan .
- (4). Prade wenten sinalih krama medruwe putra kembar lanang istri, kewastaning silih asih, prade istri lanang kewastanin buncing

Pawos 70.

- (1). Ngangkat sentana manut dudonan patut makacihna arta brana peperasan saha kapisaksiang sekala niskala .

- (2). Sapasira ugi pacang ngidih sentana patut masadok ring prajuru sanistane asasih sedurung pemerasan .
- (3). Bendesa Adat patut nyiarang sewewidangan Desane,sang runasa tan lila mangJa nyadokan masengker tigang sasih sebanen pemerasan ring prajuru inucap .
- (4). Bendesa Adat digelis mawosin saha ngicenin pemutus nepel ring catas dresta miwah perarem .

Pawos 71.

- (1). Peperasan sinanggeh patut ring Desa Adat Jagapati risampun makacihna :
 - ha. Widiwidana pemerasan ;
 - na. Kesaksinin antuk prajuru Desa Adat lan Dinas,saha kesiarang ring paruman ;
 - ca. Wenten ilikita ungguhan tata sulur pemargin pemerasan .
- (2). Sane patut keperas anggen sentana kadi ring sor :
 - ha. Jatma meagama Hindu ;
 - na. Kepernahan nedunan sakeng sang meras ;
 - ca. Kulawarga sakeng purusa,yang tan wenten kengin sakeng wadon,prade taler tan wenten wawu kengin sekita arep.
- (3). Kengin ngangkat sentana langkungan ring adiri,lanang wadon utawi lanang wadon .

Palet 4.

Indik Warisan .

Pawos 72 .

- (1). Warisan inggih punika tatanian arta brana saha ayah-ayah ngupadi sukerta sekala niskala,sakeng keluhurania arep ring turunania .
- (2). Sane kaucap warisan,luire :
 - ha. Duwe tengah,karang paumahan,pemerajan,lan sapanunggilannya .
 - na. Pegunakayan,tatadan,jiwadana,utang piutang,lan sapanunggilannya .
- (3). Wawu kengin kebawos warisan prade :
 - ha. Wenten sang mapiturna utawi pewaris.
 - na. Wenten turunia utawi ahli waris ;
 - ca. Wenten arta brana miwah tetegenan/ayah-ayah merupa warisan

Pawos 73.

- (1). Ahli waris leire :
 - ha. Pratisentana purusa ;
 - na. Sentana rajeg ;
 - ca. Sentana peperasan, lanang utawi wadon
- (2). Prade tan wenten sekadi ring ajeng kang sinanggeh ahli waris :
 - ha. Turunan purusa pernah ngunggungahan, mekadi rerama miwah misan mindon ;
 - na. Turunan purusa pernah kesamping, kadi keponakan misan mindon .

Pawos 74

Swadarmaning ahli waris patut :

- (1). Nerima saha nguasayang tetamian pahan sakeng keluhurania, mekadi ngerempon Sanggah / Pura Pedadian, Pura Kahyangan saha pengupakarania muwah penyeledihni ayah-ayah pewaris .
- (2). Ngabenan pewaris saha ngelanturan upakara-upakara pitra .
- (3). Nawurin utang-utang pewaris.

Pawos 75 .

Pengepahan waris manut sekadi ring sor :

- (1). Risampun kelaksanayang pitra yadnya lan utang-utang pewaris buntas ketawur .
- (2). Para ahli waris polih pahan pada sangkaning pegunakayan, sejawaning karang ayahan Desa Adat keamong antuk ahli waris kangsinangeh krama ngarep .
- (3). Sinalih tanggil ahli waris ring ajeng tan kengin tan polih pahan prade :
 - ha. Nilar sesananing Agama Hindu ;
 - na. Alpaka Guru Rupaka, utawi Guru Swadyaya ;
 - ca. Sentana rajeg kesah mewiwaha miwah sentana nyeburin, soang-soang kebawos nilar kedaton .
- (4). Prade boya ahli waris kengin muponin kewanten anut dudonan :
 - ha. Sentana luh, selami dereng kesah mewiwaha utawi alpaka Guru, turmaning prade logika sanggraha mewastu maderbe pianak baan keangkenin antuk wong tuania, kengin ngewaris pegunakayan sentana luh mucap mekadi biyange ;
 - na. Balu luh wiadin balu muani nyeburin ;
 - ca. Mulih dehe wiadin teruna, riantukan ring pawiwahane pecak sampun kebawos ninggal kedaton .

aris kengin mapiweweh rikala maurip, pinaka :

Jiwa dana, tetadadan / bekel, makacihna paweweh tetep ring pianak sane kesah mawiwaha ;

Pangupajiwa, paweweh padgata kala pewaris, maka pemupon hasil kemawon ;

Pedum pamong pedum raksa, pahan waris padgata kala ngantos pedum jumenek sakeng pewaris arep ring ahli waris .

Pawos 76 .

de sajeroning pakulawarga wenten ahli waris langkungan ring adirit :

Kewentenan paigum indik pedum waris inucap ;

Yen prasida ketunasan tetimbangan ring kerta Desa (Prajuur Desa);

Prade taler tan wenten cumpu ring penepas kerta Desa kengin tumusan ring sang rumawos .

ade wenten karang keputungan wenang sang prajuur utawi kerta Desa iwasin tur nureksa sila-sila saha nibakan ring :

- l. Ahli waris sakeng kepurusan ;
- l. Kepernahan kesamping ;
- l. Yening tan wenten pernahnan ngunggahan ;
- l. Taler tan wenten kecaping angka 1 muwah angka 2 kengin ketibakan ring wadon ;
- a. Prade taler tan wenten sekadi ring ajeng wawu kengin sekita arep sakewanten mangda patunggilan Desa Adat Jagapati muwah meagama Hindu ;
- la. Paniwak inucap tan kelugrayang ring sampun nanggap karang mangda tan jantos ngangkep karang Desa Adat .

Semaliha risampun ketureksa anut ring ajeng saha polih pewanengan jantos tigang sasili taler tan wenten kulawargan tan sanggup ngayahan karang inucap, wenang kedaut antuk Desa Adat maka sarana upakara pengeruakan anut dresta miwah mreteka pemitra yadnyan sang lina pecak ngamong karang keputungan inucap kadi patut .

**SAD SARGAH
WICARA LAN PAMIDANDA**

**Palet 1
Indik Wicara "**

Pawos 77 .

- (1). Sane wenang mawosin mutusin wicara ring Desa Adat luire :
ha. Kelian Banjar Adat prade sang mawicara patunggilan bebanjara;
na. Bendesa Adat prade sang mawicara mebinayang bebanjara .
- (2). Prade sang mawicara nenten cumpu ring penepas Kelian Banjar Adat
wenang nunas bebandingan ring Bendesa Adat maka wesananing
pemutus ring Desa Adat .
- (3). Taler tan wenten cumpu ring tata caran Desa Adat kengin numbusan
wicara inucap ring sang rumawos .

Pawos 78.

- 1). Sehanan wicara sane mawiwit kecorahan sakeluire, miwah sinanggeh
nungkasin sedaging awig-awig pasuara lan perarem Desa Adat
Jagapati, patut premangkin kebawosin tan nyantos pesadok .
- 2). Sejaba punika patut nyatos pesadok sang nunas bawos .
- 3). Penepas sehanan wicara melarapan tri premana, tan maren nepak rong
catur dresta miwah sastra Agama .
- 4). Bendesa kengin nunasan pematut ring sang rumawos, prade wenten warga
Desa amnadel pemutus paruman Desa Adat .

Palet 2

Indik Pemandanda

Pawos 79 .

Desa Adat / Banjar Adat wenang niwakan pamidanda ring warga Desa
sane sisip .
Paniwak inucap kelaksanayang olih Bendesa Adat/utawi Kelian Banjar
Adat nungga nunggul manut dudonan .
Agung alit pamidandane mesor singgih manut ring kesisipanne, tan maren
ngapadi darma kewelas arsan, pinih ajeng maka muatan kesuda malan
Desa Adat .

- (4). Bacakan pamidanda luire :
- ha. Denda arta miwah penikehnia ;
 - na. Nyangunia Banjar Adat prade ngemaling ;
 - ca. Pererampagan manut tata cara manut perarem ;
 - ra. Upakara-upakara .
- (5). Jinah utawi arta brana pamidanda dados druwen Desa Adat/Banjar Adat Jagapati

Pawos 80 .

- (1). Riakala pawanengan ngemedalang jinah pepeson dedenda utawi dedosan yening celled keni pemidanda nikel .
- (2). Risampun keni nikel mawaneng malih asangkepan taler tan ketawar wenang kerampag, manut tata cara kadi ring sor :
- ha. Kemargiang antuk prajuru kemiletin antuk krama sekehe tigang diri ;
 - na. Tan ngerampag barang sane patut inggilang manut Agama miwah tan jantos ngemademan pengupajiwian sang kerampag ;
 - ca. Kelian mikukuhin mangda barang inucap digelis katebas sejeroning pitung rahina,rikutus rahinane pacang keadol .
 - ra. Pikolih madolan perampagan malih ketulakang prade langkung ring utangnia .
- (3). Prade taler jatma kerampag inucap tan manut turmaning tan wenten usaha pacang nawur mawastu jatma inucap nguwak awig-awig patut kedanda manut perarem .
- (4). Nunas geng pengampura riantukan nguak pasubaya tan manut awig-awig
- (5). Nawur sepengargan duk pacang kerampag .

SAPTAMA SARGAH
NGUWAH NGUWUHIN AWIG-AWIG

Pawos 81.

- (1). Nguwah nguwuhin awig-awig Desa Adat Jagapati pundi kenarung antuk paruman Desa Adat .
- (2). Paruman mucap mangda kdasarin antuk pekarsan Krama Desa Adat
- (3). Pamutus bawos mangda kdasarin antuk pikayunan gilik seguluk utawa perarem .

Pawos 82 .

- (1). Paruman indik nguwah nguwuhin awig-awig kadi ring ajeng, kengin kemedalan antuk Bendesa Adat, Kelian Banjar Adat yadiastun niri-niri muwah sinarengan .

ASTAMA SARGAH

PEMUPUT

Pawos 83 .

- (1). Awig-awig puniki kewastanin Awig-awig Desa Adat Jagapati .
 (2). Awig-awig puniki kemargiang ngawit kerarem in .

Pawos 84 .

- (1). Sakaluwiring sane wenten sederengnia patut keanutan ring sedaging awig-awig puniki .
 (2). Sakaluwiring sane durung kebawos sejeroning awig-awig puniki patut kelaksanayang manut tata cara sane sampun ketah memargi kedulurin antuk pererem-perarem .

Pawos 85.

- 1). Awig-awig puniki kerarem in ring paruman duk rahina soma, panglong ping 14, sasih sada, iŕaka warsa 1924 tanggal 8 Juli 2002 ring wantilan Desa Adat Jagapati .
 2). Awig-awig puniki kelingga tanganin antuk Bendesa, kesarengin Kelian-kelian Banjar saha kasaksiang antuk Kelian-kelian Dinas miwah Kepala Desa Jagapati saha kapikukuh antuk Bupati Badung :

ha. Kapertama Prajuru/Dulun Desa

(1) Bendesa Adat Jagapati



[Signature]
Drs. Nyoman Ardana



Kelian Adat Br. Sibang
[Signature]
I Made Suardika

(3) Kelian Adat Banjar Pasek



[Signature]
I Gusti Ngurah Asa



(4) Kelian Adat Br. Kemulan
[Signature]
I Gst. Nyoman Renda

(5) Kelian Adat Banjar Jabejero



[Signature]
I Gst. Ngurah Nama

na. Kaping Prajuru/Desa Dinas maka saksi

(1) Kelian Dinas Banjar Sibang



[Signature]
I Made Ganti

(2) Kelian Dinas Banjar Pasek



[Signature]
Made Arimbara

(3) Kelian Dinas Banjar Kemulan



[Signature]
I Made Ganti

(4) Kelian Dinas Banjar Jabejero



[Signature]
Made Arimbara

ca. Tokoh Masyarakat antuk :
Majelis Desa Jagapati



[Signature]
Gusti Ngurah Sukerta.

(2) Camat Abiansemal



[Signature]
I Ketut Mulyasa SH
NIP. 0101011107

ra. Bupati Badung maka murdha pamikukuh

Mengetahui dan telah dicatatkan

Tanggal : 27 Mei 2003.

Reg.Nomor : 454.5/4389/pem.Des.

Bupati Badung



[Signature]

I I Ngurah Oka Ratnadi, SH